

Taiala Aoao e Faafouina ai le Malosi mai Faalavelave Matuia



Taiala Aoao e Faafouina ai le Malosi mai Faalavelave Matuia

Faatomuaga

O loo folasia i lenei tusitusiga se aotelega o le Taiala Aoao e Faafouina ai le Malosi mai Faalavelave Matuia, ma o se taiala mo le 10 tausaga sa faavaeina i lalo o le tulafono Civil Defence Emergency Management Act 2002. O loo aofia i totonu o le aotelega se faatomuaga i le auga tonu o le Taiala, o le aotelega i mataupu autū, faatasi ai ma fautuaga mo vaega eseese o le atunuu.

Auga Tonu o le Taiala Aoao e Faafouina ai le Malosi mai Faalavelave Matuia

O le auga tonu o le Taiala ia faamalamalama le vaaiga taulai ma sini autu tuutuu mamao mo le civil defence emergency management (CDEM) i totonu o Niu Sila. O loo puleaina le CDEM i totonu o Niu Sila i lalo o le tulafono CDEM Act, ma o loo aofia ai vaega nei:

- faatāua pulega e gafataulimaina ai lamatiaga i se auala e maua ai le saogalemu ma le soifua manuia;
- uunaia le auai o tagata lautele, e aofia ai nuu ma faalapotopotoga, i le faagasologa o faiga e pulea ai aafiaga;
- saunia faiga mo fuafuaga ma tapenapenaga mo faalavelave faafuasei, ma galuega e laveaina ma toe faaleleia ai;
- tatau i faalapotopotoga tau pulega ona faamaopoopo galuega mo le faaitiitia, sauniuniga, laveaina, ma toe faaleleia ai e auala mai i vaega i totonu o itumalo;
- saunia se faiga mo le tuufaatasia o fuafuaga ma galuega mo afioaga ma le atunuu; ma
- uunaia le faamaopoopoina o faalapotopotoga eseese, o loo faataua ai le galulue faatasi o faalapotopotoga ma vaega taitasi pe a tupu se faalavelave faafuasei ona e aafia uma ai vaega o le atunuu.

Matou te faauigaina nei itu o se faatumutumuga o faamoemoega mo se *Niu Sila malosi*.



E taua itu nei ona o loo afaina tagatanuu o Niu Sila, ma e faaauau ai pea ona afaina, mai le tele o lamatiaga.

O le tele o aafiaga o loo feagai ma i tatou i le taimi nei ma le lumanai ua mafai ona iloa. Peitai, e moomia foi lo tatou nofouta ma le iloa e le o mautinoa mea e tutupu i le lumanai: e le mafai ona foia ni faalavelave tetele, e le i mafaufauina, toe faafaigata ona valoia. E tusa ai ma tulaga le mautinoa i le lumanai, e tatau ona faataua faiga e toe faafouina ai le malosi mo le manuia o tagata. O le faafouina o le malosi o la tatou lea matafaioi - poo se faiga faavae - e gafatia ai ona sauniuni, faaitiitia, tauaveaina, tali atu, faamasani atu, ma toe faaleleia ai mai tulaga le maalofia. E tusa ai ma aafiaga ona o le taatiaga o le laufanua o loo tatou soifua mai ai, ma le faafaigata ona mautinoa o mea e tutupu i le siosiomaga faalotoifale ma fafo atu, e taua ai lo tatou faatino ma le mautinoa auala e faaleleia ai lo tatou malosi ma puipuia ai le tamaoaiga ma le soifua manuia o Niu Sila - o tagata taitoatasi, afioaga, pisinisi, lo tatou atunuu, le tamaoaiga, ma le loaloa o le atunuu atoa.

E tele galuega e mafai ona faaitiitia ai a tatou aafiaga, e auala mai i faiga e pulea ai aafiaga, ma siitia tulaga e toe faafou ai le malosi i vaega o le atunuu. E mafai foi ona matou faamautinoaina o loo i ai faiga lelei ma le aoga e mafai ai ona faatino galuega laveai ma faalelei ai pe a tupu faalavelave faafuasei ma isi ituaiga faalavelave le maalofia.

O loo folasia i totonu o le Taiala tulaga e tatau i tagatanuu o Niu Sila ona mafaufauina e ono tutupu e tusa ai ma le tulaga malosi o loo i ai Niu Sila, ma tulaga o loo manaomia ona tatou ausia i le isi 10 tausaga. E manino lava le fesootai o faiga e faafou ai le malosi ma le puipuiga ma le siitia o tulaga tau soifuaga mo tagatanuu o Niu Sila, ma o loo faamalosia ai faiga lautele, e aofia ma auai uma ai le atunuu.

Ua saunia mai le Taiala lenei se alafua mo le vaaiga taulai ma taiala faataatitia, e aofia ai le faatulagana o galuega autu ma sini autu mo le siitia o le malosi o Niu Sila mai faalavelave matuia. O faamatalaga e iloa ai pe *faapefea* ona ausia sini autu o loo folasia i totonu o le fuafuaga mo galuega faatino, ma e fesootai ma isi faamaumauga taua e aofia ai le *National CDEM Plan and Guide*, the *National Security Handbook*, CDEM Group Plans, ma le tele o isi taiala ma fuafuaga.

O le Taiala

Vaaiga Taulai o le Taiala:

O Niu Sila o se atunuu e gafatia ona toe faafouina le malosi mai faalavelave matuia ma e mataala e faatino faiga e pulea ai aafiaga ma siitia ai le malosi i se faiga e maua ai le soifua



manuia ma le tamaoaiga o tagatanuu uma o Niu Sila

E i ai le sini autu aoao mo le Taiala, ina ia ausia ai le vaaiga taulai lenei:

la faamalosiā le malosi o le atunuu e auala i le puleaina o aafiaga, ia nofo sauniuni e faatino galuega e laveai ma toe faaleleia ai mai faalavelave faafuasei; ma faamausaliina atili ma fesoasoani i tagata

taitoatasi, faalapotopotoga, ma afioaga ina ia mafai ona latou faatino nei gaoiga mo i latou lava ma isi tagata, mo le saogalemu ma le soifua manuia o tagata uma.

O le a matou faatinoina lea faiga i galuega autu nei e tolu:

1. Puleaina o aafiaga
2. Lelei ma aoga galuega laveai ma le toe faaleleia mai aafiaga o faalavelave faafuasei
3. Faaaupegaina, faamausaliina atili, ma lagolagoina faiga e faafou ai le malosi i totonu o afioaga

E tofu lava galuega autu ma sini autu e ono.

Sini autu o le Taiala

Ua faavae sini autu e ono i se alafua e mafai ai ona taunuu i le isi tulaga maualuga galuega autu mo le **puleaina o aafiaga** i vaega uma:

1	Saili ma malamalama i faataitaiga mo aafiaga (e aofia ai faatulagana o lamatiaga, aafiaga, vaivaiga, ma le malamalama), ma faaoga le tomai lea e fausia ai faaiuga fai.
2	Faataatia lelei le auivi mo faalapotopotoga ma manino lelei le faagasologa o faiga talafeagai - e aofia ai fesootaiga mai le mamalu o le atunuu - ia malamalama ma faatino tulaga e faaititia ai aafiaga
3	Tapena polokalame faalauiloa mo aafiaga, o faamatalaga tusitusia i aafiaga, ma tomai talafeagai mo le puleaina o aafiaga, e aofia ai le agavaa e suesue i aafiaga
4	Fai se faatatau i tulaga o loo misi i totonu o taiala e faaititia ai aafiaga (aemaise lava i faiga e faamasani ai i fesuiaiga o le tau)
5	Faamautu faiga mo atinae ma alamanuia, aemaise i siosiomaga fai ma siosiomaga faaletnatura, ia nofouta ai i aafiaga, ma faaeteete ia aua nei tupu ni aafiaga fou e le fetau pe le talafeagai



6

Malamalama i aafiaga o faalavelave matuia ma faalavelave le maalofia i le tamaoaiga, ma le taua o le faaaogaina o tupe i galuega e toe faafou ai le malosi. Saili ma fausia auala mo le faatupega o galuega e lagolago ma uunaia ai faiga e toe faafou ai le malosi.

Ua faavae sini autu e ono i se alafua e mafai ai ona taunuu i le isi tulaga maualuga galuega autu mo le **lelei ma le aoga o faiga e laveai ma toe faaleleia ai mai faalavelave faafuasei**, ma o faiga nei:

7

Faatino faiga e mautinoa ai o loo taulai mea uma i le saogalemu ma le soifua manuia o tagata e tusa ai ma faiga faavae mo le puleaina o faalavelave faafuasei

8

Fausia se fesootaiga i le va o faalapopotoga mo pulega tau faalavelave faafuasei ma iwi o loo fai ma sui o Māori, e mautinoa ai le tele o le faatau, malamalama ma amanaia ai faiga faa-Māori, i pulega mo faalavelave faafuasei

9

Faamalosia taitaiga a le malo e tusa ai ma faiga faavae ua i ai mo faalavelave faafuasei e maua ai faasinoala e manino toe faatuatuaina mo galuega laveai ma le toe faaleleia mai faalavelave faafuasei

10

Mautinoa o loo manino galuega e faatino e i latou ua faamatuu i ai tiute, e tusa ai ma galuega laveai ma le toe faaleleia mo le atunuu atoa, itumalo, ma afioaga; faaaupega ma faamausali atili galuega laveai i totonu o afioaga, ma mautinoa o loo fesootai ma galuega laveai lautele, i le taimi ma le nofoaga o loo talafeagai ai

11

Fausia auala e faaleleia ai le agavaa ma le tomai o le afaigaluega mo faalavelave faafuasei e gafatia ai ona faatino galuega laveai ma le toe faaleleia

12

Faaleleia faiga faavae mo faamatalaga ma tomai faapitoa o loo lagolagoina faaiuga fai mo faalavelave faafuasei e gafatia ai ona faia e paaga ma le mamalu o le atunuu o ni faaiuga e faamoemoeina, talafeagai ma faatuatuaina

Ua faavae sini autu e ono i se alafua e mafai ai ona taunuu i le isi tulaga maualuga galuega autu mo le **faaaupegaina, faamausaliina atili ma lagolagoina galuega e faafouina ai le malosi i totonu o afioaga**, i tulaga uma:



13	Faaaupega ma faamausali atili tagata taitoatasi, aiga, faalapopotoga, ma pisinisi ia maua lo latou malosi, ma mataitu lelei tagata ma vaega e ono tele le afaina mai faalavelave matuia
14	Atiae se siosiomaga e fesoatai ai tagata ma o loo uunaia ai faiga e maopopo ai le fesoasoani; faatonu se faiga e autasi uma ai tagata mo le atinaega o le malosi i totonu o afioaga
15	Faatino se faiga e aofia uma ai le taulaga/itumalo mo galuega e toe faafou ai le malosi, e aofia ai ma le tuufaatasia o sini autu ua faataatia mo galuega e toe faafou ai le malosi i totonu o fuafuaga ma taiala taua
16	Fai se faatatau i tulaga talafeagai ma le gafatia o faiga faavae moatinae tetele, ma faaleleia pe a tusa ai ma aafiaga ua iloina
17	Ia aofia se faiga mautu mo galuega e faafou ai le malosi totonu o fuafuaga e toe faaleleia ai, ma o loo manino ai aafiaga ua iloa, faataua ai galuega autu mo se taimi umi ma avanoa sili atu ona lelei mo le toe tau atiae, ma mautinoa o loo faamamafa manaoga o vaega ua afaina i le faagasologa o galuega mo le toe faaleleia
18	Amanaia le taua o galuega masani mo le toe faafouina o le malosi, e aofia ai le faaaauu o le lagolagosua mo nofoaga o loo faataua ai tu ma aga masani, faalapopotoga, ma galuega fai, ma mautinoa le auai o aganuu eseese i galuega e toe faafou ai le malosi

O le sa'u mea e fai?

O loo uunaia tagata uma o loo faitau i le Taiala ia mafaufau i le uiga o galuega autu ma sini autu mo i latou, o a latou aiga, pisinisi poo faalapopotoga, afioaga, ma lo latou sao i auala e mafai ai ona faafouina le malosi poo le malosi i isi tagata. Nisi o fautuaga e patino i gaoiga e faatino o loo taua i lalo.

Tagata taitoatasi ma aiga

1. **Malamalama i ou aafiaga** - Ia nofouta i lamatiaga poo faalavelave le maalofia e te ono faalogoia, e te afaina ai - o au meatotino e ono afaina mai faalavelave le maalofia, ma tulaga ua e le mafai ona gafatia - faapefea ona e afaina atoa ai ma au meatotino.



2. **Faaitiitia tulaga e te ono afaina ai** - Mafaufau i le tele o auala e mafai ai ona faaitiitia le maua o oe ini aafiaga, ma faatino loa auala i se faiga e talafeagai
3. **Fuafua mo le lumanai pe a talafeagai** - Mafaufau pe faapefea ona fuafua au tapenaga mo le lumanai ia aofia ai ma galuega mo le toe faafou o le malosi, pe a faatau ni oloa fou.
4. **Ia e nofo sauni faapea foi ma lou aiga** - Mafaufau i le tele o aafiaga e ono taunuu i ai pe a tupu se faalavelave faafuasei (mo se faataitaiga, motusia o le eletise, suavai, poo fesootaiga, faaletonu femalagaiga, nofo ai pea i lou fale poo le aua nei toe foi i lou fale mo se taimi ua faatonuina). Mafaufau i mea o e manaomia pe moomia ona e mauaina i le taimi lava lea. Manatua meaola ia aofia i au tapenapenaga mo faalavelave faafuasei.
5. **Sauni mo faalavelave le maalofia** - Sauni mo faalavelave le maalofia; mafaufau i auala e faatasia ai oe ma lou aiga ma uo pe afai ae motusia auala mo fesootaiga pe faaletonu ona fesootai.
6. **Malamalama i mea o tutupu** - Saili nisi faamatalaga; talanoa i isi tagata e uiga i aafiaga ma faiga e toe faafouina ai le malosi; saili auala eseese e mafai ai ona e maua faamatalaga pe a tupu se faalavelave faafuasei ma faapefea ona e maua faailo ma lapataiga.
7. **Faamasani i ou tuaoi** - Faamasani i ou tuaoi ma auai i mea o tutupu i totonu o lou afioaga - e faalagolago le tasi i le isi.

Pisinisi ma faalapopotoga

1. **Malamalama i ou aafiaga** - Ia nofouta i lamatiaga poo faalavelave le maalofia e te ono faalogoina, pe faapefea ona afaina au aseta (tagata ma tupe) ma le aoga o punaoa o loo maua e pulea ai na faaletonu
2. **Tapena se sini autu mo galuega e toe faafou ai le malosi ma ia aofia i totonu o galuega faatino, fuafuaga ma taiala** - E faamoemoe i ai le faaauuina o lau pisinisi (ma le soifua manuia o tagata o loo faamoemoe i au oloa/auaunaga).
3. **Faamausali le malosi i totonu o faalapopotoga** - E ala lea i le faaitiitia ma le puleaina o tulaga o loo afaina ai lau pisinisi, ma mautinoa o loo i ai se fuafuaga maumaututu mo le faaauuina ai o le pisinisi, ma mafaufau i faiga e atiae ai lou malosi e mafai ai ona e gafatia mea e le i mafauauina.
4. **Faamautinoa le maua o oloa mai auaunaga** - Saili fautuaga patino ma le mautinoa mai auaunaga e tusa ai ma a latou fuafuaga mo le faaauuina o pisinisi, o taiala mo oloa, ma le faagasologa o metotia e iloa ai oloa ua le mafai ona maua ma o loo maua pea.
5. **Aoga mo nei, aoga mo taeao** - Taumafai e saili fofo mo faalavelave/matuia e aoga i aso uma mo lau pisinisi.
6. **Maufaufau i ou aafiaga tau soifuaga** - Mafaufau pe faapefea ona fai sou sao i galuega e faafou ai le malosi i totonu o lou afioaga, taulaga poo le itumalo. E le gata i le aoga o lou fesoasoani i lou afioaga, ae o le a fesoasoani foi e faaitiitia aafiaga e ono fai ma faalavelave i lau faalapopotoga.
7. **Maufaufau mamao** - Mafaufau i suiga tuutuu mamao i le siosiomaga o loo e i ai, mo se faataitaiga aafiaga mai le fesuaiga o le tau, ma e faapefea ona e fetuutuunai lau faalapopotoga e talia ai nei suiga o se avanoa lelei.
8. **Galulue soosoo tauau ma isi ma atiae au sootaga** - Saili isi e tali tutusa tou sini autu e tusa ai ma aafiaga ma galuega e toe faafou ai le malosi, ma ia outou galulue faatasi - e sili atu ona malosi pe a tutu faatasi - toe anoanoai faiga lelei e mafai ona faasoa ma maua mai ai.



9. **Aoao i faiga e uiga i galuega laveai ma le toe faaleleia** - Malamalama pe faapefea ona faatino galuega laveai ma le toe faaleleia i totonu o lou itumalo poo le nofoaga o loo e manao i ai, ma atiae lou oe malamalama e faatino ai galuega laveai ma le toe faaleleia mai faalavelave le maalofia.

Afioaga

1. **Malamalama i ou aafiaga** - Saili se faiga e mafai ai ona e malamalama atoa i ou aafiaga: o lamatiaga poo faalavelave le maalofia e te ono oo i ai, faapea ma aafiaga atoa i tagata, meaola, meatotino, ma aseta, ma tulaga e te le gafatia ona e tauaveina - faapefea ona afaina nei itu.
2. **Faaititia tulaga e te ono aafia ai** - Mafaufau poo a auala e mafai ona faaititia ai aafiaga i lou afioaga poo tulaga e le gafatia ona tauaveina - e le moomia ona faaalu ai se tupe, peitai e ono i ai auala e moomia ai le faaaoga o tupe.
3. **Mafaufau mamao** - Mafaufau i suiga tuutuu mamao i le siosiomaga o loo e i ai, mo se faataitaiga aafiaga mai fesuiaiga o le tau, ma o le a lau faatatau e ono fai.
4. **Aoga mo nei, aoga mo taeao** - Taumafai e saili auala e faaititia ai aafiaga, sauniuniga, ma galuega e toe faafou ai le malosi, ma fofo e aoga mo le afioaga i aso uma. E le gata i tapenapenaga mo a taeao, o le a maua e afioaga ma nuu le tamaoaiga mo nei.
5. **Aoao i galuega laveai ma le toe faaleleia** - Malamalama pe faapefea ona faatino galuega laveai ma le toe faaleleia i totonu o le taulaga poo le itumalo o loo e aumau ai.
6. **Malamalama i au punaoa uma** - Mafaufau poo a punaoa o loo i ai, i le taimi nei poo le taimi e tupu ai se faalavelave faafuasei, ma e faapefea ona e faaaogaina.
7. **Tapena se fuafuaga ma faataitai** - E fesoasoani fuafuaga mo galuega laveai ma le toe faaleleia o loo faatino faatasi ma afioaga e faamalalama ai i tagata auala e mafai ona fesoasoani le tasi tagata i le isi i le maea ai o se faalavelave matuia. Fesili i le ofisa mo faalavelave faafuasei o loo i le afioaga o loo e aumau ai mo se fesoasoani pe afai o e moomia se fesoasoani, ma faataitai soo se fuafuaga, pe a talafeagai ai.
8. **Faamaopoopo faatasiga mo afioaga** - E sili atu ona malosi afioaga o loo felatai toe lelei fesootaiga - i taimi lelei ma taimi e faaletonu ai.

Taulaga ma itumalo

1. **Malamalama i ou aafiaga** - Faamautu ma malamalama i lamatiaga ma faalavelave le maalofia e te ono oo i ai, atoa ai ma le naunau ma le malosi o lou afioaga e gafatia ai faalavelave le maalofia.
2. **Faamaopoopo galuega mo le toe faafouina o le malosi** - Mafaufau poo talafeagai le malosi o au taupulepulega mo aafiaga ma galuega e toe faafou ai le malosi. Fefaasoai ma paaga ma faatino se faiga e aofia uma ai le taulaga/itumalo.
3. **Ia avea le faafouina o le malosi ma sini autu** - Mautinoa le avea o galuega e toe faafou ai le malosi ma sini autu taua: e faamoemoe i ai le tamaoaiga o le taulaga/itumalo, ma le soifua manuia o afioaga.
4. **Taulamua, taimua, ma faasili** - Taulamua, taimua ma faasili atinaega mo galuega e toe faafou ai le malosi i totonu o taulaga/itumalo. Mautinoa o loo aofia sini autu mo galuega e toe faafou ai le malosi i fuafuaga mo atinaega o tamaoaiga ma faiga fou.



5. **Silasila i tulaga o loo misi i totonu o taiala mo le puleaina o lamatiaga-** Silasila i tulaga o loo misi i totonu o taiala mo le puleaina o lamatiaga, e aofia ai tulaga e tapena ese ai pe tuua ai nofoaga e tele le afaina e oo i ai, ma faamasaniga i fesuaiga o le tau.
6. **Tulituliloa atinae e siitia ai le malos i totonu o taulaga -** Tulituliloa atinae e siitia ai le malos i totonu o taulaga e aofia ai faaiuga e iloa ai aafiaga i laufanua ma laueleele, ma le faatauaina o galuega e toe faafou ai le malos i fuafuaga ua faavae mo le atinaega ma le faalateleina o taulaga.
7. **Siitia le malos o atinae tetele -** Iloilo aafiaga, ma mautinoa le malos o aseta taua ma le faaauuina o auauunaga taua.
8. **Faasaogalemuina o puipui faalenatura -** Faaoga puipui o loo maua mai i le tamaoaga faalenatura pe a talafeagai.
9. **Faalelei atili le malamalama i tulaga tau tupe -** Malamalama i aafiaga tau le tamaoaga i totonu o lou afioaga ona o faalavelave matuia, ma le taua o le faaogaina o tupe i galuega e toe faafou ai le malos. Saili ma fausia auala mo le faatupega o galuega e mafai ona toe faafou ai le malos.
10. **Faalelei atili le malamalama o tagata lautele -** Atiae se siosiomaga e maua ai fesootaiga a tagata ma o loo faatau ai faiga lelei e maua ai le fesoasoani. Lagolago ma uunaia taumafaiga laiti ma faalapopotoga. Lagolago faiga eseese ma taimua i faiga e aofia uma ai tagata.
11. **Atiae faiga e faafou ai le malos i totonu o faalapopotoga -** Ia mautinoa o loo i ai se fuafuaga maumaututu mo le faaauuina ai o le pisinisi, ma mafaufau i faiga e atiae ai lou malamalama e mafai ai ona e gafatia mea e le i mafaufauina.
12. **Atiae le tomai ma le malamalama e mafai ai ona faatino galuega laveai ma le toe faaleleia -** Mautinoa o loo talafeagai le malos o le tomai ma le malamalama o loo e tauaveina, toe talafeagai ma lava sauni i mea e ono tutupu i le lumanai.

Malo ma faalapopotoga

1. **Faamaopoopo galuega e toe faafou ai le malos -** Auai i faiga ma metotia o loo faamaopoopo ai galuega mo aafiaga ma le toe faafouina ai o le malos, atoa ai ma le faatinoga o fuafuaga o loo folasia i totonu o le Taiala lenei.
2. **Mataitu, iloilo ma faasalalau faalauaitale lipoti -** Faalauiloa lipoti i taimi uma i vaega nei:
 - aafiaga ma le puleaina o aafiaga,
 - tamaoaga ua faaleaogaina mai faalavelave matuia,
 - faafouina o le malos, ma
 - taumafaiga i le Taiala lenei.
3. **Faasili le faafouina o le malos-** Taimua i le faatauaina o le faafouina o le malos, e aofia ai faiga o loo galulue faatasi uma ai le atunuu, o talitonuga faavae ma faiga taualoa o loo folasia i totonu o le Taiala Aoa e Faafouina ai le Malosi mai Faalavelave Matuia.
4. **Faafaigofie galuega e toe faafouina ai le malos -** Tapena taiala ma tulafono e gafatia ma uunaia ai gaioiga e maua ai le malos. Ia faafaigofie, gafataulimaina ma malamalama gofie i tagata o loo faaogaina, paaga, tagata o loo faia faaiuga, ma le mamalu o le atunuu.
5. **Galulue faatasi -** Saili i isi o loo tutusa sini autu e tusa ai ma aafiaga ma galuega e toe faafou ai le malos, ma faatulaga lelei taiala ma galuega faatino



6. **Atiae faiga e faafouina ai le malosi i totonu o faalapopotoga** - E ala i le malamalama i aafiaga mai tulaga eseese, e aofia ai mea o loo mafua ai aafiaga tetele i totonu o lau faalapopotoga ma tagata o loo faaogaina auaunaga; faaitiitia ma le puleaina o tulaga o loo mafua ai aafiaga; ma mautinoa o loo i ai se fuafuaga maumaututu mo le faaauuina ai o le pisinisi; ma mafau i faiga e atiae ai lou malosi e mafai ai ona e gafatia mea e le i mafauina.
7. **Atiae faiga e faafouina ai le malosi i totonu o nofoaga lautele** - Mafau i manaoga ma talitonuga faavae o nofoaga lautele, ao le i tupu, ao tupu, ma le maea ai o faalavelave faafuasei. Faamautinoa le tele o mea aoga o loo maua mai i atinaega, e mausali ai le malosi o afioaga i le taimi nei ma le taimi e tupu ai le faalavelave.
8. **Silasila i aafiaga tetele o loo tatou i ai** - Silasila ma faagaioi nisi o aafiaga pito sili ona faigata o loo feagai ma nofoaga lautele, e aofia ai faiga e pulea ai aafiaga i afioaga pito sili ona tele le afaina, ma faamasaniga i fesuiaiga o le tau.
9. **Atiae le tomai ma le malamalama e mafai ai ona faatino galuega laveai ma le toe faaleleia** - Mautinoa o loo talafeagai le malosi o le tomai ma le malamalama i faiga e pulea ai faalavelave faafuasei, toe talafeagai ma lava sauni i mea e ono tutupu i le lumanai.

Nisi faamatalaga

O loo mafai ona e faitau i le faamatalaga atoa mo le Taiala Aoa e Faafouina ai le Malosi mai Faalavelave Matuia ma isi faamatalaga aoga i le www.civildefence.govt.nz.

